

飲日日如是飲至七箇月或八箇月自然日記千頌如不恒飲水亦能日記五百頌智慧漸增根性明利

尔時童子相菩薩及諸天人信受奉行

增慧陁羅尼經

聖六字增壽大明陁羅尼經

西天三藏太師施護奉詔譯

如是我聞一時佛在舍衛國祇樹給孤獨園
爾時尊者阿難有大疾病佛自知已即詣彼
所敷座而坐告阿難曰汝今諦聽我有六字

大明陁羅尼能消災患增益壽命汝若受持
非但自身復令四衆苾芻苾芻尼優婆塞優
婆夷長夜安隱遠離衆苦

復次阿難此六字大明陁羅尼十十七俱胝
佛并六大威德師同所宣說六大师者一如
來應正等覺二帝釋天主三多聞天王四持
兵五經同

國天王五增長天王六廣目天王如是聖賢異口同音說陁羅尼曰

難底黎難底黎難覩哩去都摩哩半擎哩俱
喇致引夜度摩帝引娑嚩引合賀

佛告阿難此六字大明章句有大威力若復
有人王法難中驚怖大水難中驚怖大火難

中驚怖賊劫難中驚怖窶家難中驚怖衆惡
難中驚怖鬪戰難中驚怖惡曜難中驚怖如
是諸難害身之時一心稱念大明章句擁護
某甲令得解脫作是語已是諸衆難速得消
除復次阿難若諸有情患諸疼痛頭痛項痛
眼耳鼻痛牙齒舌痛脣口頰痛脣脣痛心

痛肚痛嘔痛脅痛偏身疼痛及漏痢痔瘻風
黃痰瘻諸惡重病如前稱念大明章句佛大
威德令一切日月星曜羅漢聖賢發真實言
與某甲弟子應作擁護息除災患令得安樂
所有刀劍毒藥虎狼師子輒馳蝮蛇諸惡禽
獸皆不爲害瘞病不著亦不中夭乃至阿波

婆摩囉部多毗舍左鳩盤茶等一切鬼將悉皆遠離不敢爲患

復次阿難若諸有情鬼魅所著連年積月而不捨離以此真言加持於線繫患人手時金剛手大藥叉主以忿怒力破鬼魅頭令作七分又令大智舍利弗大神通目乾連持戒羅睺羅及汝阿難陀皆來擁護令得安穩若不爾者湏彌山王離於本處大海枯竭日月墮落大地崩裂如來應正等覺無有妄語阿難此六字大明陀羅尼神通威德得未曾有若隨喜聽聞是人恒得長壽無病衆惡不侵何況受持讀誦書寫供養是名成就最上增益之法阿難聞已信受奉行

聖六字增壽大明陀羅尼經

佛說大乘戒經

西天譯經三藏傳法大師施護奉 詔譯
五經同 六

如是我聞一時佛在舍衛國祇樹給孤獨園余時世尊告苾芻言有破壞戒行壽命者有斷滅善根者出家難值發精進心堅固守護若諸苾芻等於佛法中求解脫者遠離一切諸惡苦惱如佛所說寧捨身命而趣無常不得縱心犯其戒律若人捨命只壞一生若復破戒令百萬生沉淪惡道若人持戒當得見佛戒爲最上莊嚴戒爲最上妙香戒爲勸喜勝因戒體清淨如清冷水能除熱惱戒法最大世間呪法龍蛇之毒而不能侵持戒得名聞持戒獲安樂如是命終時復得生天上佛言苾芻若犯律儀譬如盲人不見衆色亦如無足不能行道遠離涅槃不到彼岸若持戒人成就一切法寶譬如賢瓶圓滿堅固能盛一切珍寶如是破損珍寶散失若破律儀則捨一切善法先曾犯戒而後心欲求涅槃如去眼耳對鏡照面何所能佛言苾芻女人無信不可親近王恩雖勝不可恃枯水沫